



REPUBLIKA E SHQIPËRISË

INSPEKTORATI I LARTË I DEKLARIMIT DHE KONTROLLIT
TË PASURIVE DHE KONFLIKTIT TË INTERESAVE
SEKRETARI I PËRGJITHSHËM

Nr. 2066 Prot.

Tiranë, më 26.5.2022

Lënda: Raporti i monitorimit të performancës së produkteve të buxhetit të ILDKPKJ, për 4- mujorin e parë të vitit 2022

Drejtuar: Z. Arlind GJOKUTAJ
NËPUNËS I PARË AUTORIZUES
MINISTRIA E FINANCAVE DHE EKONOMISË

TIRANË

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në zbatimin e buxhetit të shtetit për 4-mujorin e parë të vitit 2022, është mbështetur në kërkesat më të domosdoshme institucionale, në zbatim të detyrimeve që rrjedhin nga zbatimi i Ligjit nr.9049, datë 10.4.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar, Ligjit nr.9367, datë 7.4.2005 “Për parandalimin e konfliktit të interesave në ushtrimin e funksioneve publike” i ndryshuar, parandalimit dhe goditjes së korrupsionit në sektorin publik e privat nëpërmjet hetimit administrativ të sinjalizimit të brendshëm e të jashtëm dhe mbrojtjes së individëve që sinjalizojnë për veprime dhe praktika të dyshuara të korrupsionit nga hakmarrja në përputhje me Ligjin nr.60/2016, datë 2.6.2016 “Për sinjalizimin dhe mbrojtjen e sinjalizuesve” i ndryshuar, duke paraqitur një realizim të shpenzimeve buxhetore për këtë periudhë, si më poshtë vijon:

Inspektoratit të Lartë të Deklarimit dhe Kontrollit të Pasurive dhe Konfliktit të Interesave, në mbështetje të Ligjit nr. 115/2021 “Për buxhetin e vitit 2022” dhe të Udhëzimit nr.9 datë 30.3.2018 “Për procedurat standarte të zbatimit të buxhetit”, i është akorduar një fond buxhetor prej 185 milion e 509 mijë lekë, i cili përbëhet nga:

- Fondi i Pagave: 108 milion e 147 mijë lekë (zëri 600)
- Fondi i Sigurimeve Shoqërore: 15 milion e 15 mijë lekë (zëri 601)
- Fondi për Shpenzime Operative: 29 milion e 107 mijë lekë (zëri 602)

- Fondi për Investime: 33 milion lekë (zëri 231)
- Transferime korrente: 240 mijë lekë (zëri 606)

Buxheti i akorduar për programin “*Menaxhim, Administrim, Planifikim*”, është i mbështetur në Deklaratën e Politikës të hartuar gjatë procesit të PBA 2022-2024, për realizimin e misionit të ILDKPKI, i cili kërkon një menaxhim efektiv të fondeve buxhetore të akorduara, në funksion të përcaktimit të rregullave për deklarimin dhe kontrollin e pasurisë, të legjitimitetit të burimeve të krijimit të saj, detyrimeve financiare për të zgjedhurit, nëpunësit publikë, për familjarët e tyre dhe për personat e lidhur me ta, si edhe të garantojë një vendimmarrje të paanshme, transparente, në interesin më të mirë të mundshëm të publikut e të besimit të tij ndaj institucioneve publike, nëpërmjet parandalimit të konfliktit ndërmjet interesave publike dhe atyre private të zyrtarëve në ushtrimin e funksioneve të tyre, si dhe parandalimin dhe goditjen e korrupsionit në sektorin publik dhe privat.

Inspektorati i Lartë, për 4-mujorin e parë të vitit 2022, në realizimin e shpenzimeve buxhetore është mbështetur në një shpërndarje sa më racionale të kërkesave, në harmonizimin e nevojave të ILDKPKI, me burimet financiare në dispozicion, në funksion të përmirësimit tërësor të infrastrukturës institucionale, me qëllim rritjen e cilësisë së kontrollit të interesave private dhe zbatimin e politikave buxhetore përmes përdorimit ekonomik dhe eficient të burimeve financiare, për realizimin e objektivave prioritare si;

- Drejtimi dhe përmirësimi i politikave dhe mekanizmave për kontrollin e vërtetësisë dhe saktësisë së pasurive, të parandalimit dhe shmangies së konfliktit të interesave të zyrtarëve që ushtrojnë funksione publike, si instrumente të rëndësishme për luftën kundër korrupsionit.
- Forcimi i mëtejshëm i teknikave të hetimit administrativ jo vetëm në identifikimin e pasurive të fshehura apo të padeklaruara, por sidomos në kryerjen e një hetimi të plotë dhe të gjithanshëm të rasteve të konfliktit të interesave.
- Hetimi mbi pasuritë dhe burimin e të ardhurave të personave jo zyrtarë që kanë interesa të përbashkëta me subjektin deklarues dhe forcimi i punës për zbulimin e rasteve të fshehjes apo deklarimit të rremë të zyrtarëve që abuzojnë me pushtetin.
- Parandalimi i rasteve të pasurimit në rrugë abuzive të zyrtarëve dhe të personave të lidhur me ta.
- Parandalimi i rasteve të konfliktit rast pas rasti apo të vazhdueshëm të interesave të zyrtarëve që ushtrojnë funksione publike.
- Penalizmi i rasteve të abuzimit nga zyrtarët me funksionet e tyre publike.
- Parandalimi dhe goditja e korrupsionit në sektorin publik e privat nëpërmjet hetimit administrativ të sinjalizimit të brendshëm e të jashtëm dhe mbrojtjen e individëve që sinjalizojnë për veprime dhe praktika të dyshuara të korrupsionit nga hakmarrja në përputhje me ligjin nr. 60/2016, datë 2.6.2016 “*Për sinjalizimin dhe mbrojtjen e sinjalizuesve*” i ndryshuar.

Nga fondi i përgjithshëm buxhetor, në zbatim të Ligjit nr. 115/2021 “*Për buxhetin e vitit 2022*”, për periudhën e raportuar, Inspektorati i Lartë ka realizuar vlerën buxhetore

në vlerën 43,947,695.89 lekë ose 70.81%, të fondit të planifikuar për 4 mujorin e parë të vitit 2022.

Llog Ek	Përshkrimi	Plan-Buxheti vjetor 2022	Plan-Buxheti vjetor i ndryshuar 2022	Plan-Buxheti 4-mujor 2022	Buxheti i realizuar 4-mujor 2022	Realizimi në % si 4-mujor
600	Fond Page	110,920.00	108,147.00	42,047.00	29,577.00	80.46%
601	Kontrib.Sig Shoq & Shend	15,400.00	15,015.00	5,415.00	4,661.00	80.36%
602	Shpenzime operative	36,384.00	29,107.00	12,917.00	8,849.00	55.58%
606	Transferita per financime te tjera	240.00	240.00	80.00	80.00	100.00%
231	Investime	33,000.00	33,000.00	33,000.00	780.00	0.03%
Shuma		195,944.00	185,509.00	93,459.00	43,947.00	70.81%

Fondi i Pagave dhe Sigurimeve Shoqërore e Shëndetësore (zëri 600-601)

Fondi i Pagave dhe Sigurimeve Shoqërore e Shëndetësore është realizuar në zbatim të strukturës organizative të miratuar. Për 4-mujorin e parë të vitit 2022 numri i punonjësve është realizuar 70 vetë, nga 70 vetë të miratuar.

Fondi i përgjithshëm i pagave dhe i sigurimeve shoqërore dhe shëndetësore, për këtë periudhë, është realizuar për numrin faktik të punonjësve në vlerën 29,577,619 lekë ose 80,46% e fondit të planifikuar për periudhën respektive dhe për kontribute për sigurimet shoqërore dhe shëndetësore në vlerën 4,660,834 lekë ose 80.36%, e fondit të planifikuar për periudhën respektive.

Fondi për shpenzime në zërin investime (zëri 231)

Gjithsej fondi i planifikuar i investimeve për vitin 2022, është 33,000,000 (tridhjetë e tre milion) lekë të miratuar si produkte nga Ministria e Financave dhe Ekonomisë me objekt “Blerje Pajisje Elektronike” me fond limit 1,200,000 (një milion e dyqind mijë) lekë me tvsh dhe “Blerje Pajisje të Tjera Zyre” me fond limit 900,000 (nëntëqind mijë) lekë (me TVSH), “Sistem hyrje dalje dhe bllokimit me karta” me fond limit 900,000 (nëntëqind mijë) lekë (me TVSH) si dhe “Blerje sistemi për dixhitalizimin e arkivës së ILDKPKI” me fond limit 3.000,000 (tre milion) lekë (me TVSH), të cilat do të prokurohen në mbështetje të Regjistrit të Parashikimeve të Prokurimeve Publike për periudhën respektive gjatë vitit 2022.

Fondi i planifikuar i investimit i miratuar si produkt nga Ministria e Financave dhe Ekonomisë me objekt “Blerje Pajisje të Tjera Zyre” me fond limit 900,000 (nëntëqind mijë) lekë (me TVSH) ose 750.000 (shtatëqind e pesëdhjetë mijë) lekë (pa TVSH) është realizuar me procedurën e blerjes me Vlerë të Vogël dhe është fituar nga operatori ekonomik “INTER-OFFICE” sh.p.k në vlerën 779,999 (shtatëqind e shtatëdhjetë e nëntëmijë e nëntëqind e nëntëdhjetë e nëntë) lekë (me TVSH) ose 87% e fondit të planifikuar. Likuidimi është kryer konform specifikimeve teknike të kërkuara.

Fondi i planifikuar i investimit i miratuar si produkt nga Ministria e Financave dhe Ekonomisë me objekt “Blerje Pajisje Elektronike” me fond limit 1,200,000 (një milion

e dyqind mijë) lekë (me TVSH) ose 100.000 (njëqind mijë) lekë (pa TVSH) u zhvillua sipas Urdhër Prokurimi nr.1784 prot., datë 11.4.2022 me procedurën e blerjes me Vlerë të Vogël dhe sipas njoftimit, datë 15.4.2022, në sistemin elektronik të APP është shpallur fitues operatori ekonomik "ATOM SHPK" në vlerën 1.089.600 (një milion e tetëdhjetë e nëntë mijë e gjashtëqind) lekë (me TVSH) ose 90.8% e fondit të planifikuar. Konform specifikimeve teknike të kërkuara, likuidimi është në proces.

Fondi për shpenzime në zërin Mallra dhe Shërbime (zëri 602)

Realizimi për grupin e shpenzimeve operative për 4-mujorin e parë të vitit 2022 është gjithsej në vlerën 8,849,243.89 lekë (me TVSH) ose 55,58 % e fondit të planifikuar për këtë periudhë, duke respektuar dispozitat ligjore në fuqi.

Për 4-mujorin e parë të vitit 2022 realizimi në grupin e shpenzimeve operative është mbështetur duke respektuar dispozitat ligjore në fuqi. Diferencat në vlerë përbëjnë kursime gjatë procesit të prokurimit, të cilat janë rishpëndarë sipas nevojave më të domosdoshme të institucionit.

1. Shërbimi i ruajtjes me roje civile është vazhdim i marrëveshjes kuadër nr. 2743 prot., datë 30.4.2021, me operatorin ekonomik me kapital shtetëror "Illyrian Guard" sh.a, në mbështetje të Vendimit nr.177, datë 4.4.2019 "Për krijimin e Shoqërisë "Illyrian Guard" sh.a dhe për përcaktimin e autoritetit publik që përfaqëson shtetin si pronar të aksioneve të kësaj shoqërie", me objekt "Shërbimi i ruajtjes me roje civile" për godinën e Inspektoratit të Lartë të Deklarimit dhe Kontrollit të Pasurive dhe Konfliktit të Interesave, ku të gjitha kushtet janë të përcaktuara, me afat 12 muaj, nga momenti i nënshkrimit të marrëveshjes (4.5.2021-3.5.2022). Është likuiduar marrëveshja kuadër në përputhje me parashikimet ligjore, konkretisht për 4-mujorin e parë të vitit 2022 në vlerë 1,316,504 (një milion e treqind e gjashtëmbëdhjetë mijë e pesëqind e katër mijë) lekë (me TVH) e cila mbyll dhe detyrimin total të kësaj marrëveshje kuadër.

Sa më sipër, për fondin e parashikuar për grup artikullin "Shërbimi i ruajtjes me roje civile" për godinën e Inspektoratit të Lartë të Deklarimit dhe Kontrollit të Pasurive dhe Konfliktit të Interesave, për periudhën në vazhdim u lidh marrëveshja kuadër nr. 1905 prot., datë 6.5.2022, ku të gjitha kushtet janë të përcaktuara, me afat 12 muaj, nga momenti i nënshkrimit të marrëveshjes (afati i zbatimit të kontratës 4.5.2022-3.5.2023).

2. Shërbimi Mirëmbajtje e Sistemit të Deklarimit të Pasurisë dhe Konfliktit të Interesit, EACIDS, është vazhdim i kontratës nr.2968 Prot., datë 2.11.2020, me BOE "Ikub Info" shpk & "Infosoft Systems" shpk, me afat 48 muaj nga momenti i nënshkrimit.

Për vitin 2022 konform specifikimeve teknike të kërkuara vlera e obliguar e kontratës është 19,400.000 (nëntëmbëdhjetë milion e katërqind mijë) lekë (me TVSH) dhe në përputhje me parashikimet ligjore, për 4-mujorin e parë të vitit 2022 është kryer likuidimi në vlerën 4,849,999 (katër milion e tetëqind e dyzet

e nëntë mijë e nëntëqind e nëntëdhjetë e nëntë) lekë me tvsh ose 25% e fondit të planifikuar.

3. Fondi i parashikuar për grup artikullin "*Blerje Karburant*", me fond limit për 583.333.33 (pesëqind e tetëdhjetë e tre mijë e treqind e tridhjetë e tre pikë tridhjetë e tre) lekë (pa TVSH), është realizuar me procedurën e blerjes me Vlerë të Vogël dhe është fituar nga operatori ekonomik "*Gega Center GKG*" sh.p.k në vlerën 542.048 (pesëqind e dyzet e dy mijë e dyzet e tetë) lekë (pa TVSH) ose 93% e fondit të planifikuar. Likuidimi është kryer konform specifikimeve teknike të kërkuara.

Gjatë kësaj periudhe janë realizuar në përmbushjen e detyrimeve me shtetin si posta, energji, ujë, telefoni. Gjithashtu gjatë kësaj periudhe janë lidhur kontrata shërbim i abonimit në shtyp, siguracione të detyrueshme për automjetet e ILDKPKI, kontrata e shërbimit të mirëmbajtjes së ashensorit, larjes së automjeteve, të cilat janë realizuar si procedura prokurimi me blerje me Vlerë të Vogël.

Përsa i përket shpenzimeve për blerje mallra të natyrave të ndryshme, institucioni ynë për këtë periudhë, i ka prokuruar dhe realizuar sipas nevojave konkrete, si dhe në mbështetje të dispozitave ligjore në fuqi.

Realizimi i prokurimeve të shpenzimeve të akorduara për ILDKPKI, për 4-mujorin e parë të vitit 2022 është mbështetur në Regjistrin e Parashikimeve të Prokurimeve Publike të vitit 2022 dhe kërkesave konkrete të institucionit, të kërkesave për përmirësimin e mëtejshëm të punës në menaxhimin dhe zbatimin e objektivave të përcaktuara, duke zbatuar me korrektësi të gjitha detyrimet që rrjedhin nga legjislacioni financiar nëpërmjet një administrimi korrekt dhe kontrolli të vazhdueshëm.

Realizimi i të ardhurave nga veprimtaria e ILDKPKI

Të ardhurat nga veprimtaria e ILDKPKI, vijnë kryesisht nga:

1. Arkëtimi i gjobave të vendosura për rastet e shkeljes së detyrimeve ligjore, gjatë zbatimit të ligjit nr.9049, datë 10.4.2003 "*Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë*", i ndryshuar, ligjit nr.9367, datë 7.4.2005 "*për parandalimin e konfliktit të interesave në ushtrimin e funksioneve publike*" i ndryshuar, ligjit nr.60/2016, datë 2.6.2016 "*Për sinjalizimin dhe mbrojtjen e sinjalizuesve*" i ndryshuar, nga subjekte në sektorin publik dhe privat. Për 4-mujorin e parë të vitit 2022, janë gjithsej 12 raste të ekzekutuara me vullnet të lirë, në vlerën 3.150,000 (tre milion e njëqind e pesëdhjetë mijë) lekë.
2. Ekzekutimi i detyrueshëm nga Zyrat Përmbarimore të rretheve për gjobat e vendosura për rastet e shkeljes së detyrimeve ligjore, si dhe vendimeve gjyqësore që kanë marrë formë të prerë. Për këtë periudhë janë ekzekutuar tërësisht gjithsej 24 raste, në vlerën 2,966,000 (dy milion e nëntëqind e gjashtëdhjetë e gjashtë mijë) lekë.

Gjithsej të ardhurat të arkëtuara për periudhën janar-prill 2022, janë në vlerën 6.116.000 lekë.

Të gjitha këto të ardhura, të realizuara në zbatim të ligjeve organike mbi të cilat funksionon Inspektorati i Lartë dhe të VKM nr.432, datë 28.6.2006 "*mbi të ardhurat në institucionet buxhetore*", kanë kaluar në Buxhetin e Shtetit në masën 100%.

Menaxhimi efektiv i fondeve buxhetore të akorduara për ILDKPKI, në funksion të një vendimmarrje transparente në kontrollin e deklaramit të pasurive, legjitimitetin e burimeve të krijimit, detyrimeve financiare për të zgjedhurit, nëpunësit publikë, për familjarët dhe personat e lidhur me ta, nëpërmjet parandalimit të konfliktit të interesave të zyrtarit, në ushtrimin e funksioneve publike, si dhe arritja e standarteve më të mira, do të vazhdojë të jetë një faktor i rëndësishëm në realizimin e punës, në drejtim të shpenzimeve të miratuara vjetore për përmbushjen e qëllimit dhe objektivave institucionale.

Duke Ju falenderuar,

SEKRETARI I PËRGJITHSHËM

Arbër BASHOLLI

